

# PANORAMA OF PROPHECY

HINKHO KHEL LAMDANG BIBLE JILNA!

**LENGPA THUPEH**

Daniel 6:1-28

**A THUSIM...**



**M**edo leh Persia lengpa Darius in Babylon ajo in, Babylon lenggama alen alal jouse athatsoh in, mikhat vang ahing hoiye. HIche mivangpha chu Pakai dihtah lhacha pu Daniel ahi. Kum somsagi masanga chu juda akona Babylon gama soh chang dinga kaimang anahin, ahinlah leng isnunga thumop them khat lah'a jong anajao ahi. Lenggam pumpia Daniel chu mijouse het in aume ajeh chu "Aman lhagao kidangtah aneiye" Daniel 5:12; 6:3

Leng Darius chun Daniel chu ahinghoi keohilouvin, aman Daniel chu "Vaipipo leh vaihom thuneina mijouse chung apekittai." Daniel 6:3. Medo Persia milen milal hon Hebrew mipa Daniel achunguva vaihoma akipansah chu amuphat uvin, enset toh lunghan akop kittauve. Hijeh chun Lengpa alhimlah uvin ahung lhung ding ni somthum sung kah a jui ding dan khat asem un lengpa mohor anamdet sah tauve, hiche sunga chu koihileh lengpa henga taona neilou jouse chu kaipi bahkai hong sunga selut hiding ahi (Daniel 6:7). Daniel kitipa chun a-Pathen danthu apalkeh ngeipon chuleh guitan louva toana nei jingmi ahi aheuvn, chuleh hiche a-Pathen chun pathen dang hou ding aphaipo ti aheth u ahi (Potdohbu 20:3).

Aginchat bang bangu chun, milen milal hon Daniel chu a-umna pindan sunga kotcha hong puma Pathen henga taona anei chu amudoh tauve. Daniel chu kaipi bahkai hong sunga selut hiding in aumtai, chuin Darius lengpa'n jong eikilhim lhah a hitobang dan chu mohor eikinamsah ahi ti ahedoh tai. Aman jong Daniel huhdoh tei tei ding lung agel in ahinlah dan chavei tah khat asemdoh chu khelmohel in aumtai. Daniel jong kaipi hong sunga selut ahitan, hijengta jongleh Pathen in avantil ho asolpeh in kaipi bahkai ho kam ahuhbing pehtai (Daniel 6:22).

Themgao thilmu in phat nunung tengleh, Pathen miten hitobang chet a kibolna dan thua kikanna chu ahinto diu, Pathen dan thu joh anun diu ham lengle lal ho dan thu joh anun diu ham ti hung um ding ahi.





## PATHEN

Danbu Ni Na 32:4 .....	Thutah ahi (Truth) .....	Labu 119:142, 151
I John 3:3 .....	Atheng (Pure) .....	Labu 19:8
John 4:24 .....	Lhagao ahi (Spiritual) .....	Rome Mite 7:14
Malachi 3:6 .....	Kikhellou (Unchangeable) .....	Matthew 5:18
Semtilbu 21:33 .....	Tonsot (Eternal) .....	Labu 111:7, 8

## DANTHU

Pathen danthu hi kikkel theilou ding ahi, ajeh chu hiche hi Pathen chondan kijih ahi. Loupita'h'a Pathen chungchang kisei naho chu adanthu kiseina jong ahi. Pathen danthu hi ama umchan kijihdoh vetsahna ahi. Pathen amatah akikkel tilou ngal adanthu kikhelna ding lampi aumtheipoi.

## 2. Bible dungjiya chonset hi ipi ham?

**1 John 3:4** *Koi hile achonse'a chu sukeh ahi; danthu subkehema chu chonset ahi.*

**Rome Mite 3:20** *Danthu juiya thilbola mi koima aang sunga them changa umlou ding ahi. Ajeh iham itile chonsetna kihe doh soh ahi.*

**NOTE:** Satan in Pathen danthu hi ahot l'heh jenge ajeh chu hiche hin chonset akon huhhingpu ingaichat dan u eihil uve. Rome Mite 4:15 in aseina'ah "Danthu umlou naa chonset jong aumpoi." Danthu in mi ahuhhing ahipon, ahinlah Danthu chun eiho lhinal naa kon'a Pathen chamkimna eimusah u ahi.

## 3. 1 John 3:4 naa dan hi ipi dan kisei ham?

**Rome Mite 7:7** *Achutile ipi isei dinguham? Danthu hi chonsetna ham? Ahipoi; chu ipi ahi anabe kabi, danthua kona kahetdoh ahibouve; ajeh chu, "Papset bol hih-in," ti hi danthun aseilou hile, ipi ahi kanahet lou ding ahi.*

**NOTE:** "Papset/otcha hih in" hi Pathen dan thupeh som lah'a khat ahi. Achutileh Pathenin akhut jung ngeiya ajihdoh adanthu som (Potdohbu 31:18; 32:16) palkeh kiti chu chonset ahi. Mitin'in chonset abol doh jouse hi Pathen dan thu som lah'a khat pen pen in demna anei ahi. Hiche jeh a chu Pathen dan thu hi "Athalhingset e" (Labu 119:9) tia kisei ahi. Chonsetna kaneiyete ti ikihetdoh tihitih tengleh huhhingpu ihol jiuve. Chutijeh a chu satan in Pathen danthu hi ahotl'heh ahi, ajeh chu chonset akon eihuhhing dingin Jesu ikomu uvin chuleh Aman eingaidam theiye.

## 4. Jesu Christa in dan thusom anit em?

**John 15:10** *Keiman ka-Pa thupeh ho soh keiya angailut'a kaum bang hin nang hon kathupeh ho nit leu chun ka-ngailut'a naum dinguh ahi.*

**NOTE:** Henge Jesu Christa in eiho vetton thei dingin dan thusom anitsoh keiye (1 Peter 2:21)

## 5. Mi ijat chonse hitam?

**Rome Mite 3:23** *Ajeh chu mi hi chonse a hitai, Pathen loupina chu changlela abiuve.*

## 6. Chonset hinkho man jeh a gutsa gotna chu ipi ham?

**Rome Mite 6:23** *Ijeh ham itile chonset man abi, Pathen thil mohpeh vang hi Pakai Christa Jesu vanga tonsot hinna abi.*

**NOTE:** Pathen danthu hi khelthei hitaveleh, Jesu christa cross a ahung thi khoh ngailou ahi. Jesu Christa hi eiho khel a chonse kisim a ahung thi hin Pathen danthu khelthei ahipoi ti avetsah ahitai.

## 7. Mi abangloiyin Pathen dan thusom hi new testament Christian hoa ding ahitapoi atijiuve. Jesu in hiche thudol a ipi aseiyem?

**Matthew 19:17** *Chuin Jesu n ajah a, "Thilpha thudol ibola neidoh ham? Apha khatsch bou aume. abinla nangma hinnaa chu nalut noma ahile thupeh chengse tan," ati.*

**John 14:15** *Keima nei ngailu'u le kathupeh ho dingu abi.*

**Thuphon 22:14** *Hichea hin Pathen thupeh ho le Jesu tahsan thu mitheng ho thohhat je thu kilanga abi.*

**Thuphon 14:12** *Hichea hin Pathen mitheng Jesu thu hettosah holeh athupeh nit ho thohhatje akilange.*

**NOTE:** New testemanet a chun Pathen miten a thupeh anit diu ahi ti akichensel e. Tunia mijousen leiset aboidan ihesoh keiyuve ajeh chu mitamtah in Pathen danthu nit hi athupi dan ahethei taloujeh ahi. Bible chun eiho nikho thudol umchan hitin anaseiye, "Nadanthu akisusen akisuhkeh tai. Pakai dia kipat'a natoh phat ahitai." Labu 119:126.

## 8. Pathen thusom chu ity kinit thei ding ham?

**Rome Mite 8:3, 4** *Ajeh chu tahsaphe lam hilouva Lhagao lama chon eiho, danthua chonna hi aguilhun theina dinga, danthu chu tahsaphe jeh-a ahatmoa abol jou lou chu, Pathenin a-Chapa chu chonset thoinaa chonset po tahsaphe lim pua ahinsola, tahsaphea chu themmo achana abol ahi.*

**Philippi Mite 1:6** *hichea hin nangho sunga thilpha bol pana chun Jesu Christa nikho ni geiya abol dettah-in kagingchai;*

**Philippi Mite 4:13**

*vanga chu ijakai bol thei kahi.*

**NOTE:** Mikhat chu apentah a ahileh, lhagao thenga kona Jesu Christa chu mipa hinkhoa lutjia hiche chun kidangtah a seingaina ajo sah ji ahi.

**9. Kitepna lui chu ipi hiya, itidan a losam ham?**

**Danbu Ni Na 4:13** *Hichea chun Pakaiyin nang ho henga najui diu, nang ho nathupez sau ama kitepna chu aphongdoh tan ahi; hiche thupez kiti thusom ahin, aman hichengse chu song pheng ni chungsa sutsan akoitai.*

**Hebrew Mite 8:8** *Ajeh iham itile chu : "Veuvin, keiman Israel phung mite le Juda phung mite dinga Kitepna Thah Kasemdoh ding nikho Hung lhung ahitai," ati Pakai chun;*

**10. Kitepna thah chu ipi thudol a kiphutdoh ham?**

**Hebrew Mite 8:10** *Hiche nikho ho nunga Israelte toh Kitepna kaphudoh ding chu hiche hi ahi; Ati Pakai chun, Alungthimuva peng ting, Chule alung sunguva kasut ding ahi; Chule keima amaho hing ting, Amaho jong kamite Hi ding ahivu;*

**NOTE:** Kitepna teni hi Pathen leh amite kakah a kiphutdoh ahi. Kitepnalui alosapna ajeh chu amiten amaho thahat vanga jo ding agot jeh uleh juinding agot jeh u ahi.

**Potdohbu 24:7** *Chujouvin aman kitepna lekhabu chu apodoh-in mipi nabenga chun asimpeh tai; hichun mipin jong aseiyin, "Keihon Pakai thusei jouse chu aboncha kaboluva, chujongle keiho hi sei ngaitah a kaum diu ahi," atiue.*

**Hebrew Mite 8:10** *Hiche nikho ho nunga Israelte toh Kitepna kaphudoh ding chu hiche hi ahi: Ati Pakai chun, Alungthimuva kachondan thupez peng ting, Chule alung sunguva kasut ding ahi; Chule keima amaho Pathen hing ting, Amaho jong kamite Hi ding ahivu;*

Mihem khat hindan chu pumkhel a kikhe jenga, chutia chu Pathen deilam bolding chu athanoppi ahi. Kitepna thah hi dan dan luipa toh kibangchet mama kistem ahin, ahinlah akijihna mun chu achom ahitan (lungthim sung) chuleh Pathen kitepna phajo cheh a kiphut ahi (Better promise).

**11. Tahsan jeh a lungset vanga huhhing ihuive kiti hin Pathen danthu apoimo tapoi atina hilou ham?**

**Rome Mite 6:15** *Ititan tem ahile? Danthu noiya um louva lungsetna noiya um ibi jeh uva chu, ichonset dinguham?*

**Rome Mite 3:31** *Chuti ahile itahsan jeh-uva hi danthu kisumanga ham? Ahipoi; joh ahibuve.*

# SIMMUN 6

**NOTE:** Koihijongle dan palkeh jeh a Jesu in achonset angaidam hochu thonlouva a danthu palkeh kit talou dinga seingai ho ahiuve. Ngaidam chang ahi akihetjeh un, midang ho sangin kipahtah in Jesu nung ajui uve.

## 12. Dan thu nit jeh a mi sohcha thei ham?

**Ephesus Mite 2:8, 9** *mana vanga huhbinga uma nahitauve; hichu nanghoa kon abi-poi. Pathen thilpehjob ahibouve: koima-cha kison thei louna dinga, hichu thilbol vanga hilou ahi.*

**NOTE:** Pathen danthu nit jeh a sohcha ding koima aumpoi. Mijouse hi Pathen lungsetna kidangtah jeh'a bou huhhing chang ahiuve. Ahinlah huhhing chang ding ho chu, Jesu Christa lungsetna vanga ami ngailutna leh ahenga thangvah kipana thusei vetsahnaa a dan thupeh anit diu ahi.

**John 14:15** *Keima nei ngailut'u le kathupeh ho nanit dingu ahi.*

## 13. Mikhat chu Pathen danthu nit dinga ipi chun athanopsah ham?

**Rome Mite 13:10** *Ngailutna-in hengle kom setna abolpoi; hijeh chun hi danthu bukipna ahi.*

**Matthew 22:37-39** *“Chuin aman adonbut'in, “Nangman pumpin, nalbagao pumpin, chule nalungthim pumpin Pakai na-Pathen chu ngailun.” Hichu thupeh pipen le amasapen ahi. Chule chuto-banga chu anina hiche ahi; ‘Nangma nakingailut bangin naheng nakoma ngailun,’”*

**1 John 5:3** *Ajeh chu athupeh nit hi Pathen ahi; chule athupeh chengse jong chu pohgih sa ahipoi;*

**NOTE:** Ngailutna kiti hi mi hin thanopsah pipen chu ahi. Thupeh som lah'a amasa li chengse hi kei leh Ka Pathen kah a molso ding kakin ho ahi. Ken Ama kangailut'a ahileh, hiche athupeh nit ho chu kathanom ahi. Ajonalam gup chengse chu ahileh ka mihem chanpi chungu kabol ding kin ho ahikit e. Ka mihem chankhompni ho kangailut a ahileh, amaho suhnatna thei ding thil imacha kabol lou ding ahi.

## 14. Pathen thupeh nitlouva Christian dihtah kahithej ding ham?

**1 John 2:3, 4** *Chule eiho ama thu ibiule hiche chun ama ihetauve, ti iheuve Keiman ama chu kabetaila tia athu mt lou chu ahin, asunga thutah umlou ahi*

## 15. Kitepna luiya danthu abang bang hi Christian ho ding ahitapoi ti um em?

**Ephesus Mite 2:15** *ngaidan thupeh chu, kidouna chu atahsaa asuhbei ahitai; chutia chu aman amaa mi ni chu mi khat asosahna dinga asuhcham ahi;*

**NOTE:** Henge, chonna ngei dan thupeh, thempu natohna leh kithoina pumgo thilto kibolji hochu suhbei ahitai ajeh chu hiche ho chu Christa vetsahna anahie (Colosian 2:13-17). Pathen kelngoinou dihtah ahina chun asubei ahitai.

## 16. Satan in koiholoi chu ahotpen ham?

**Thuphon 12:17** *Chutah chun gul chu hangin, amanu chilbah ho Pathen amoh chengse chutoh kiasat dingin akon-doh tan ahi.* *chunga chun alung nit le Jesu thu hettosah jop*

**NOTE:** Jesu thupeh nit'a chuleh michonse khat chu Pathen thahatna vangin mitheng thou akisohkit theiye tia thu hillhang phat nunung houbung chungu hin satan hi alungsalheh jenge.

## 17. Pathen dan thupeh nit jeh a kipaman loupitah khat muding chu ipi ham?

**John 15:11** *nanghoa aum jingna ding le akimna dinga, hicheng thu hi najah uva kasei ahi.*

**Thuchih Bu 29:18** *Gaothu kiseina louva mipi amangthah jin. Amavang koi hileh danthu nitpa chu nom ahi.*

**Labu 119:165** *Nadanthu kipal lhuh sah powin te.* *chamna lentah anei yun, Imachan*

**NOTE:** Kipana, lungmona leh thanopna chuleh adang dang jouse hi Pathen danthu nit' jeh a bou kimu ahi. Hiche jeh a chu David in hitin anaseiye, "Na dan thu hi sana thengsel simjou lou tojong tekah thei ahipoi" ati (Labu 19:10)

# NA KIGELHAHNA

*Jesu Christa tob kiguijopna nomtah neipuma seingai tah chate hi ding hi nanop em?*

**DONBUTNA:**

# ABELAP

*Hiche simmun hi abelap a sim ding eipeuve.*

## Bible miho leh Jesu Christa umchan akitona

Bible miho atamjo hi Jesu Christa lim leh umchan tho ahiuve. Mose, Joseph, David chuleh Solomon hohi ahinkhou phatbih phabep hi Christa natoh mudohna leh ale-a (shadow) pang anahiue. Amaho hinkhoa hitobanga Christa toh kitona anaum hi vannoiyin Jesu Christa chu Pathen chapa ahimonge ti ahetna ding bou ahi.

Daniel in danthu thudol leh keipi bahpi honsunga athilto hi anoiya hobanga hi Jesu Christa toh akitona ahie:

- Medo-Persia milen milal hon Daniel chu adinmun sangtah akonin aladoh nom uve ajeh chu ama lengpa toh kinaitah'a aum chu a-engsetpiuve. Daniel 6:3, "Lengpan Daniel chu vaipipo leh mitamtah chungga vaihom din apansah tai." Hitobangchet chun Jerusalem a milen milal tehon Jesu Christa chu thaimang ding ago jinguve ajeh chu vannoi leiset jouse chungga thuneipen Pa Pathen toh kinaicha aum chu a-engset piuve (John 5:18-20)
- Medo-Persia milen milal hon Daniel chu aguh agal in achanglhi jingun itihta le sukhel bolkel anei dem atiue (Daniel 6:4). Jesu Christa nikho laiya hou lamkai ho jong chutobang chun Jesu velhi keovin aum'un itihtah leh thukhat ahinseikhel in ahin bolkel dem tin achanglhi jeng uve (Luke 20:19, 20).
- Daniel melmate hon amachunga thenmona ding imacha amudoh jou pouve, hijeh chun akipalguh teina dingin thang akam tauve (Daniel 6:5-9). Hitobang bang chun thempu chungnung leh danthu sun ho toh Judas isachariot chu akihoulhi uvin Jesu kpalguh na ding thang akam kittauve (Luke 22:2-6). Hijeng jongleh Pilate chun Jesu thenmona imacha amujou deng poi (John 19:4)
- Daniel kaipi bahkai honsunga selut ahi chun, kaipi hong chu songtum khat in akisin den in achunga chun lengpa mohor akinamdet tai (Daniel 6:16, 17). Jesu Christa jong song-lhan sunga akikoilul chun lhankor dingin songpi atanglut un achunga solkar mohor akinamdet kittai (Matthew 27:58-60, 65, 66).
- Daniel leh Jesu Christa chu anilhon a nolnabei ahilhonin chuleh leiset noiya pat ahinga hung kaldoh cheh ahilhon e (Daniel 6:23; Mark 16:5, 6).

Bible a midang dang ho jong Jesu Christa hinkho toh akitona namu doh theileh ven!